

# AGEU

## (Ayéu)

**Tupana nüxna namaxã nacuxãchi  
nax naxügüãxüçax ya napata**

**1** <sup>1</sup>Rü yexguma taxre ga taunecü  
ãëxgacü yixixgu ga Daríu, rü norü  
6 ga tauemaciärü ügügu, rü nüma ga  
Cori ya Tupana rü norü orearü uruxü ga  
Ayéuwa nidexa. Rü nüxna nanaxã ga  
ore ga Yudáanecüãxaruãëxgacü ga  
Chorobabé ga Charatié nanecax ixixü rü  
chacherdótegüaruãëxgacü ga Yuchué  
ga Yochadáchi nanecax ixixü. <sup>2-3</sup>Rü  
nhaa nixí ga yema ore ga Ayéuwa nüxü  
yaxuxü ga nüma ga Cori ya Tupana ya  
guxüétüwa ngëxmacü, rü nhanagürü:  
“Nhaa duixügu rü nüxü nixugüe nax  
taxüta nawa nanguxü nax wena  
naxügüãxüçax ya chapata. <sup>4</sup>Ëxna  
pexicatama penaxwaxexü nax mexüne  
ya ipatawa pemaxëxü, rü yoxni ya yima  
chapata rü naxtapüx nügüétügu yixü  
nax nachixexü? <sup>5</sup>Rü chamax ya Cori ya  
Tupana ya guxãétüwa ngëxmaxe rü  
pemaxã nüxü chixu: ¡Mea penangugü i  
pecümagü! <sup>6</sup>Rü pema rü muxüma i  
penetü petogü notürü noxretama i norü  
o pibuxgü, pechibüe notürü tama pexü  
ningu, rü pexaxegü notürü

petaxawaeama, rü pegü pedüxgü notürü  
taguma penaiwe. Rü yíxema puracüxe  
rü tanayauxtänü i túmaarü puracü  
notürü paxama tüxü nagu erü nhama  
chacu irügáuxügu tananucuxürüxü nixí.  
<sup>7</sup>Rü chama ya Cori ya Tupana ya  
guxãétüwa ngëxmaxe, rü pemaxã nüxü  
chixu: ¡Mea penangugü i pecümagü!  
<sup>8</sup>¡Rü dauxchitawa pexí rü ngéma  
mürapewa peyaxüx! ¡Rü nua penana rü  
ngëmamaxã wena penaxüx ya yima  
chapata! Rü chama rü tá taãxëcü  
ngéma changexma rü ngéma tá  
ichanawex i chorü ütine. <sup>9</sup>Rü pemax rü  
poraäcü pepuracüe nax pexü  
nangexmaxüçax i muxü i perü  
nanetüaru o, notürü noxretama nixí i  
ngéma pibuxgüxü. Rü ngéma penetüaru  
o i pechiügu namaxã penguxüxü rü  
wüxi i cue nhaxümaxã ichayanatauxëxë.  
<sup>ç</sup>Rü tüxücüü ngémaäcü nixí? Erü yima  
chapata rü naxtapüxica nügüétü nayi  
nax nachixexü rü pemax rü  
pepataçaxica pexoégaãxë. Rü chama ya  
Cori ya Tupana nixí i nüxü chixuxü i  
ngéma. <sup>10</sup>Rü ngëmacax nixí i tama  
pexçax chanapuxëxü rü ngéma  
waixümü rü tama mea pexü nayaxëëxü

i penetügü. <sup>11</sup>Rü chama nixĩ ga íchananguxëëxũ ga nax yapagüanexũ ga peanewa rü ma\_xpúnegüwa, rü trígü necü, rü úwanecü, rü oríwanecü rü guxũma ga taxacü ga petogüxünecüwa. Rü yema nax yapagüanexügüga rü pexçax ínangu ga taiya rü perü wocagüçax rü ta”, nhanagürü ga Tupana. <sup>12</sup>Rü nüma ga Chorobabé rü Yuchué rü guxũma ga togü ga duïxügü rü aixcuma Tupanaga naxĩnie yerü namüie ga yexguma nüxũ naxĩnüegu ga yema ore ga Cori ya Tupana Ayéuwa nüxũ ixuxũ. <sup>13</sup>Rü yexguma ga nüma ga Ayéu ga Cori ya Tupanaarü orearü uruxũ, rü Cori ya Tupanaégagu duïxügümaxã nidexa rü nhanagürü: “Nüma ya Cori ya Tupana rü nhanagürü pexũ: ‘Chama ya Cori ya Tupana rü pexütawa changexma’”, nhanagürü. <sup>14</sup>Rü yemaacü nüma ga Cori ya Tupana rü nanataãxëxë ga Chorobabé ga Yudáanecüãxarü ãëxgacü, rü Yuchué ga chacherdótegüarü ãëxgacü rü guxũma ga yema togü ga duïxügü. Rü yexguma ga nümagü rü yéma naxĩ rü inanaxügüe nax naxügüãxũ ga guma napata ga Cori ya Tupana ya guxãétüwa ngëxmacü. <sup>15</sup>Rü yexguma taxre ga taunecü Pérchiaanearü ãëxgacü yixĩxgu ga Darü, rü meama norü 6 ga tauemacüarü (setébru) 24 ga ngunexũ nixĩ ga inaxügüãxũ ga nax wena namexëëgüaxũ ga guma Tupanapata.

**Ngexwacaxũne ya  
Tupanapata rü namexechi**

**2** <sup>1</sup>Rü gumá 7 ga tauemacü (utúbru) rü norü 21 ga ngunexügü, rü nüma ga Cori ya Tupana rü wenaxarü orearü

uruxũ ga Ayéumaxã nidexa. <sup>2</sup>Rü nanamu nax Chorobabémaxã, rü Yuchuémaxã, rü guxũma ga yema togü ga duïxügümaxã nüxũ yaxuxüçax ga norü ore ga nhaxũ: <sup>3</sup>“¿Texé i petaniüwa rü nüxna cuaxächixũ ga nax nanhuxraxũxũ ga chapata ga noxrix? Rü guma rü namexechi. Notürü nhuxmax nax nüxũ pedauxũ rü taxuwama name. <sup>4</sup>¡Notürü nataãxë, Pa Chorobabé! ¡Rü nataãxë, Pa Yuchué ya Chacherdótegüarü ãëxgacü! ¡Rü petaãxëgü Pa Guxũma i Duïxügüx! ¡Rü pora pexüe rü pepuracüe! Erü chama ya perü Cori ya Tupana rü pexütawa changexma. <sup>5</sup>Rü yexguma Eyítuanewa ínachoxügü ga perü oxigü rü ichaxuneta rü ngëma Chauãxë rü guxũgutáma pexũ naxümücü. Rü ngëmacax taxuca\_xma pemüie i nhuxmax. <sup>6-8</sup>Erü íxraxũ nataxu nax chanaxiãxächixëxũ i dauxüguxũ i naane, rü nhama i naane, rü ngëma már, rü tá chanamuïexëxë i guxũma i nachixüanegü. Rü ngëma togü i nachixüanegüarü duïxügü rü nua tá nanana i norü diërugü rü úirugü. Rü ngëmaacü ya daa chapata rü tá namexechi. Rü chama ya Cori ya Tupana ya guxãétüwa ngëxmaxe nixĩ i nüxũ chixuxũ i ngëma erü choxrü nixĩ i guxũma i diërugü rü úirugü. <sup>9</sup>Rü nhuxmax nax wena namexëëxũ ya daa chapata rü yexguma noxri naxüxguarü yexera tá namexechi. Rü ngëxguma rü tá ichayanaxoxëxë i guxũma i nu i nhaa nachicawa, rü nua tá petaãxëgü. Rü chama ya Cori ya Tupana ya guxãétüwa ngëxmaxe nixĩ i nüxũ chixuxũ i ngëma. ....

<sup>18-19</sup>Rü nhuxmax daa taunecü rü norü 9  
 ya tauemaciarü (diciembre) 24 i  
 ngunexũgu nixĩ i ipenaxügũxũ nax  
 penanucuxũ ya yimá nutagü ya namaxã  
 inaxügüne ya chapata. ¡Rü dücax, rü mea  
 penangügü! Rü woo i nhuxmax rü

nangearü oxõx i perü trıgu, rü úwagü, rü  
 fıgugü, rü boxragü rü orıwagü, nottirü i  
 nhuxmawena rü tá pexũ charüngũxẽẽ rü  
 tagutáma pexũ nataxu i ngẽma penetiarü  
 o”, nhanagürü ya Tupana.  
 .....